

續群書類從

九百七十二

和書門			
二八四	五七	號	類
二九	函		
三	架		
二八七	冊		

和書			
二八四	五七	號	類
二九	函		
三	架		
二八七	冊		

内閣文庫		
番號	和	28457
冊數	¹¹⁸⁵ 1187	(1146)
函號	216	1

0 1 2 3 4 5 6 7 8 9 10

A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale

C Y M

© Kodak, 2007 TM-Kodak



續群書類従卷第九百七十二



總檢校保己一集
男源忠寶校



肥前國記

郡 壹拾壹所 鄉七十一里一驛 壹拾捌所 小路
峰 貳拾所 下回城 壹所 寺 貳所 僧寺

肥前國者本與肥後國合為一國昔者磯城瑞籬宮
御宇御間城天皇之世肥後國益城郡朝來名峰有
土蜘蛛打猴頸獲二人帥徒眾一百八十餘人拒捍
皇命不肯降伏朝廷勅遣肥君等祖健緒組伐之於
茲健緒組奉勅悉誅滅之兼巡國裏觀察消息到於
八代郡白髮山日晚止峯其夜虛空有火自然燦稍
降下就此山燎之時健緒組見而驚怪參上朝廷

奏言臣辱被聖命遠誅西戎不露刀刃梟賊自滅自
非威靈何得然之更舉燎火之狀奏聞天皇勅曰所
奏之事未曾所聞火下之國可謂火國即舉健緒組
之勲賜姓名曰火君健緒純便遣治此國因火曰火
國後分兩國而為前後又纏向日代宮御宇大足彥
天皇誅球磨贈於而巡狩筑紫國之時從葦北火流
浦發船幸於火國度海之間日沒夜冥不知所著忽
有火光遙視行前天皇勅悼人曰直指火處應勅而
往果得著崖天皇下詔曰何謂邑也國人奏言此是
火國八代郡火也但不知火主于時天皇詔群臣曰



今此燎火非是人火所以号火國知其尔由

基肄郡 郷陸所里七驛壹所小路

昔者纏向日代宮御宇天皇巡狩之時御筑紫國御

井郡高羅之行宮遊覽國內霧覆基肄之上天皇勅

曰彼國可謂霧之國後人改号基肄國今以為郡名

長岡神社在郡東

同天皇自高羅行宮還幸而在酒殿泉之邊於此薦
膳之時御具甲鎧光明異常仍令占問卜部殖坂奏
云此地有神甚願御鎧天皇宣實有然者奉納神社
可為永世之賤因号永世社後人改曰長岡社其鎧

貫緒悉爛絕但曾并甲板今猶在也

酒殿泉

東在郡

此泉之季秋九月始變白色味酸氣臭不能喫飲孟

春正月變而清冷人始飲喫因曰酒井泉後人曰酒

殿泉

姬社鄉

此鄉之中有川名曰山途川其源出郡北山南流而
會御井大川昔者此門之西有荒神行路之人多被
殺害半凌半殺于時卜求祟由北云令筑前國宗像
郡人珂是胡祭吾社若合願者不起荒心竟珂是古

令祭神社珂是古即捧幡祈禱云誠有欲吾記者此

幡順風飛往墮願吾之神遣使即舉幡順風放遣于

時其幡飛往墮於御原郡姬社之社更還飛來落此

山途川邊之田村珂是古自知神之家其夜夢見

卧機

謂久那

絡梁

謂多利

僻遊出來壓驚珂是古於是

亦織女神即立社祭之自尔已來行路之人不被殺

害因曰姬社今以為鄉名

養父郡

鄉肆所

里一

烽壹所

昔者纏向日代宮御宇天皇巡狩之時此郡百姓舉
部參集御狗出而吠之於此有一產婦臨見御狗即

吠止因曰犬声正國於此訛謂養父郡也

鳥標鄉在郡東

昔者輕島明宮御宇譽曰天皇之世造鳥屋於此鄉

而聚雜鳥養馴貢上朝廷因曰鳥屋鄉後人改曰鳥

標鄉

日理鄉在郡南

昔者菟後國御井川渡瀬甚廣人畜難渡於茲纏向

日代宮御宇天皇巡狩之時就生葉山為船山就高

羅山為梶山造備船漕渡人物因曰日理鄉

狹山鄉在郡南

同天皇行幸之時在此山行宮徘徊曰望四方分明

因曰分明村サハケ今訛謂狹山鄉

三根郡陸所里十驛壹所小路

昔者此郡與神崎郡合為一郡然海部直嶋請分三

根郡即緣神崎郡三根村之名以為郡名

物部鄉在郡南

此鄉之中有神社名曰物部經津主之神曩者小墾

田宮御宇豐御食炊屋姬天皇令末目皇子為將軍

遣征伐新羅于時皇子奉勅到於筑紫乃遣物部若

宮部立社於此村鎮祭其神因曰物部鄉

漢部鄉南在郡

昔者未目皇子為征伐新羅勅忍海漢人將未居此

村令造兵器因曰漢部鄉

米多鄉南在郡

此鄉之中有井名曰米多井水味鹹曩者海藻生於

此井之底纏向日代宮御宇天皇巡狩之時御覽井

底海藻即勅賜名曰海藻生井今訛米多井以為鄉名

神埼郡 鄉玖所里二驛壹所 寺壹所僧寺

昔者此郡有荒神徃來之人多被殺害纏向日代宮

御宇天皇巡狩之時此神和平自尔以來無更有悚

因曰神埼郡

三根鄉西在郡

此鄉有川其源出郡北山南流入海有年魚同天皇

行幸之時御船從其川瀨未御宿此村天皇勅曰夜

素御寢甚有安穩此村可謂天皇御寐安村因名御

寐今改寐字為根

船帆鄉西在郡

同天皇巡狩之時諸氏人等舉落葉船舉帆參集於

三根川津供奉天皇因曰船帆鄉又御船沈石四顆

存其津邊此中一顆高六尺一尺一顆高四尺無子婦女

就此二石恭禱祈者必得妊產一顆高四尺一尺一顆高三

尺經元旱之時就此二石雩禱祈者必為雨落

浦田鄉在郡西

同天皇行幸之時御宿此鄉西薦御膳之時蠅甚多

鳴其聲大囂天皇勅云蠅聲甚囂因曰囂鄉今謂蒲

田鄉訛也

琴木岡高二丈周五十丈在郡南

此地平原元來無岡大足彥天皇勅曰此地之形必

可有岡即令郡下起造此岡造畢之時登岡宴賞興

闌之後豎其御琴々化為樟高五丈周三尺因曰琴木岡

宮處鄉在郡西南

同天皇行幸之時於此村奉造行宮因曰宮處鄉

佐嘉郡 鄉陸所里十驛壹所 寺壹所

昔者樟樹一株生於此村幹枝秀高莖繁茂朝日之

影蔽杵島郡蒲川山暮日之影蔽養父郡草橫山也

日本武尊巡幸之時御覽樟茂榮曰此國可謂榮國

因曰榮郡後改号佐嘉郡一云郡西有川名曰佐嘉

川年魚有之其源出郡北山南流入海山川上有荒

神徃來之人半生半殺於茲縣主等祖大荒田占問

于時有土蜘蛛大山田女狹山田女二女子云取下

田村之土作人形馬形祭祀此神必在應和大荒田
即隨其辭祭此神神歆此祭遂應和之於茲大荒田
云此婦如是實賢女故以賢女欲為國名因曰賢女
郡今謂佐嘉郡訛也又此川上有石神名曰世田姬
海神年常謂鰐逆流潛上到此神所海底小魚多相
從之或人畏其臭者無殃或人捕食者有死凡此臭
經二三日還而入海
小城郡 鄉漆所十里二驛壹所 烽壹所
昔者此村有土蜘蛛造堡隱之不從皇命日本武尊
巡幸之日皆悉誅之因号小城郡

松浦郡 鄉壹拾壹所十里二驛五所 烽捌所
昔者氣長足姬尊欲征伐新羅行於此郡而進食於
玉島小河之側於茲皇后勾針為鈎飯粒為餌裳絲
為縵登河中之石上捧鈎祝曰朕欲征伐新羅求彼
賤寶其事功成凱旋者細鱗之魚吞朕鈎縵既而投
鈎片時果得其魚皇后曰甚希見物希見謂梅豆羅志因曰
希見國今訛謂松浦郡所以此國婦女孟夏四月常
以針釣年魚男夫羅釣不能羅之
鏡渡北在郡
昔者檜隈廬入野宮御宇武少廣國押楯天皇之世

遣大伴狹手彦連鎮任那之國兼救百濟之國奉命

到未至此村即甥篠原村篠原村志弟日姬子成婚日下

部君等容貌美麗特絕人間分別之日取鏡與婦人

含悲啼渡粟川所與之鏡緒絕沈川因名鏡渡

褶振峯在郡東峯家名曰褶振峯

大伴狹手彦連發船渡任那之時弟日姬子登此用

褶振招因名褶振峯然弟日姬子與狹手彦連相分

經五日之後有人每夜來與婦共寢至曉早歸客止

形貌似狹手彦婦抱其怪不得忍默竊用績麻繫其人

襪隨麻尋往到此峯頭之沼邊有寢蛇身人而沈沼

底頭蛇而卧沼壅忽化為人即謂云志努波羅能意

登比賣能右哀佐比登由母為祢豆年志太夜伊幣篠原

尔父太佐牟也于時弟日姬子之從女走告親族親

族發衆昇而看之蛇并弟日姬子並亡不存於茲見

其沼底但有人屍各謂弟日女子之骨即就此峯南

造墓治置其墓見在

賀周里在郡西北

昔者此里有土蜘蛛名曰海松檀媛纏向日代宮御

宇天皇巡國之時遣陪從大屋田子日下部君誅滅

時霞四舍不見物色因曰霞里今謂賀周里訛之也

逢鹿驛

在郡西北

曩者氣長足姬尊欲征伐新羅行幸時於此道路有鹿遇之因名遇鹿驛々東海有蛇螺鯛海藻海松等

登望驛

在郡西

昔者氣長足姬尊到於此處留為雄裝御臂之軻落於此村因号軻驛驛東西之海有蛇螺鯛雜魚海藻海松等

大家嶋

在郡西

昔者纏向日代宮御宇天皇巡幸之時此村有土蜘蛛名曰大身拒皇命不肯降伏天皇勅命誅滅自尔

以来白水郎等就於此島造宅居之因曰大家嶋嶋南有窟有鍾乳及木蘭迴縁之海蛇螺鯛雜魚及海松多之

值嘉嶋

在郡西南之海中有烽火家三所

昔者同天皇巡幸之時在志式島之行宮御覽西海海中有嶋煙氣多覆勅遣陪從阿曇連百足令察之島有八十餘就中二嶋嶋別有人第一嶋名小近土蜘蛛大耳居之第二嶋名大近土蜘蛛大耳居自餘之嶋並人不在於茲百足獲大耳等奏聞天皇勅且令誅殺時大耳等叩頭陳聞曰大耳等之罪實當極

刑雖被戮殺不足塞罪若降恩情得再生者奉造御
贊恒貢御膳即取木皮作長蛇鞭蛇短蛇陰蛇羽割
蛇等之樣獻於御所於茲天皇垂恩赦放更赦云此
嶋雖遠猶見如近可謂近嶋因曰值嘉島則有檳榔
木蘭梔子木蓮子黑葛薑蓀木綿荷莧海則有蛇螺
鯛鯖雜魚海藻海松雜海菜彼白水郎當於馬牛或
有一百餘近嶋或有八十餘近嶋西有泊船之停二
處一處名曰相子之停應泊二十餘船遣唐之使從
一處名曰川原浦應泊一十餘船此停發到美弥良久之濟即川原浦之西濟是也從此發船指
西度之此嶋白水郎容貌似隼人恒好騎射其言詔

異俗人也

杵島郡

鄉肆所

里一十三

驛壹所

昔者纏向日代宮御宇天皇巡幸之時御船泊此郡

磐田杵之村于時從船狀歌之穴冷水自出

一云船泊之處

自成一島天皇御覽詔群臣等曰此郡可謂狀歌島

郡今謂杵島郡訛之也郡西有湯泉出之巖岸峻極

人跡罕及也

壤子山

在郡東北

同天皇行幸之時土蜘蛛八十女又有此山頂常捍

皇命不肯降服於茲遣兵掩滅因曰壤子山

藤津郡 鄉肆所 里九 驛壹所 烽壹所

昔者日本武尊巡幸之時到此津日没西山御船泊之明旦遊覽繫船覽於大藤因曰藤津郡

能美鄉 在郡東

昔者纏向日代宮御宇天皇行幸之時此里有土蜘蛛

蛛三人 兄名大白次名中白弟名小白 此人等造堡隱居拒皇命不

肯降服尔時遣陪從紀直等祖禰日子令以誅滅於

茲大白等三人但叩頭陳己罪過共乞更入奉主人

因曰能美鄉

託羅鄉 在郡東臨海

同天皇行幸之時到此鄉御覽海物豐多勅曰地勢雖少食物豐足可謂豐足村今謂託羅鄉訛之也

鹽田川 在郡北

此川之源出郡西南託羅之峯東流入海潮滿之時逆流潮滿流勢太高因曰潮高滿川今訛謂鹽田川川源有淵深二許丈石壁峻峻周迴如垣年魚多在東邊有湯泉能愈人病

彼杵郡 鄉肆所 里四 驛貳所 烽叁所

昔者纏向日代宮御宇天皇誅滅球磨曾叱之時天皇在豐前國宇佐海濱行宮勅陪從神代直遣此郡

速來村捕土蜘蛛於茲有人名曰速來津姬此婦女
申云妾第名曰健津三間住健村之里此人有美玉
名曰石上神之木蓮子玉愛而固藏不肯示他神代
直尋覓之超山逃走落石岑郡以北即逐及捕獲推
問虛實健三間云實有二色之玉一者曰石上神木
蓮子玉一者曰白珠雖比礪硤願以獻之亦申云有
人名曰菟葉住川岸之村此人有美玉愛之固秘定
無暇命於茲神代直迫而捕獲問之菟葉云實有之
以貢於御不敢愛惜神代直捧此三色之玉還獻於
御于時天皇勅曰此國可謂是足玉國今謂彼杵郡

訛之也

浮穴鄉

在郡北

同天皇在宇佐濱行宮詔神代直曰朕歷巡諸國既
至平治未被朕治有異徒乎神代直奏云波煙之起
村未猶被治即勅直遣此村有土蜘蛛名曰浮穴沫
媛擇皇命甚無禮即誅之曰浮穴鄉

周賀鄉

在郡西南

昔者氣長足姬尊欲征伐新羅行幸之時御躬繫此
鄉東北之海疆舳之戎戠化而為磯高二十餘丈周
十餘丈相去十餘町突出嵯峨草木不生加以陪從

之船遭風漂波於茲有土蜘蛛名鬱比袁麻呂救濟
其船因名曰救鄉今謂周賀鄉訛之也

連來門

在郡西北

此門之潮之來者東潮落者西涌登涌響同雷音因
曰連來門又有杉木本者著地末者沈海海藻草生
以擬貢上

高來郡

鄉玖所

里二

驛肆所

烽伍所

昔者纏向日代宮御宇天皇在肥後國玉名郡長者
濱之行宮覽此郡山曰彼山之形似於別嶋屬陸之
山歟別在之島歟朕欲知之仍勅神大野宿禰遣看

之往到此郡爰有人迎來曰僕者此山神名高來津

座聞天皇使之來奉迎而已因曰高來郡

土齒池

俗言岸為比遲波在郡西北

此池東之海邊有岸高百餘丈長三百餘丈西海波
濤常以濯滌緣土人辭号曰土齒池池堤長六百餘
丈廣五十餘丈高二丈餘池裏縱橫二十餘町許潮
來之常突入荷菱多生秋七八月荷根甚甘季秋九
月香味共變不中用也

峯湯泉

在郡南

此湯泉之源出郡南高來峯西南之峯流於東流之

之勢甚多熱異餘湯但和冷水乃得沐浴甚味酸有
流黃白土及松松其葉細有子大如小豆令得噉

右一冊者肥前國長崎人大家惟年所齎來書
也原本謬誤尤多矣寬政十一己未年三月於
京師旅寓校正之加訓點畢蓋依城戸千楯長
谷川菅緒等之需者也

皇太神宮權祢豆從四位下
荒木田神主久老 花押

